

www.BibleForChildren.org

मत्ती 26



फिरी यीशु फसह
दे त्योहारे ला छे रोज
पेहले बैतनिय्याह ग्रां च
आया, जिथू लाजर जो
मरयां चे जिन्दा किता था। तालू
मरियमा जटामासी दा अधा सेर
मेंहगा इत्र लेईकरी यीशुऐ दे पैरां
पर नियोरया, कने अपणे
बालां ने उदे पैर पूंजे, कने इत्रे
दिया खुशबुआ ने सारा घर
सुगन्धित होई गया।




तालू यहूदा इस्करियोती जडा बाहरां चेलयां चे इक था, सै यीशुए
जो पकडाणे च सहायता करणे तांई बड्डे याजकां बाल गिया। सै ऐ
सुणीकरी खुश होए, कने उसयो पेसे देंगे
जो मन्नी गे, कने सै यीशुए जो धोखे
ने यहूदी अगुवां दे हथे पकडाणे
दा तां मौका तोपा दे थे।




चेलयां यीशुऐ दा हुकम मनया, कने फसह तैयार किता। जालू सै खा दे थे तां यीशुऐ रोटी लेई, कने परमेश्वरे दा धन्यवाद करी के तोड़ी, कने चेलयां जो दिती कने बोलया, "लिया, खाई लिया; ऐ मेरा शरीर है।" फिरी उनी दाखरस दे कटोरे जो चुकी करी परमेश्वरे दा धन्यवाद किता, कने चेलयां जो दिता कने बोलया, "तुसां सारे इस कटोरे चे पिया, क्योंकि ऐ बाचा दा मेरा सै खून है, जड़ा मतयां लोकां दिया भलाईया ताई बहाया जाणा है।"



“शमौन, हे शमौन, दिख, शैताने तुसां लोकां जो परखणे तांई परमेश्वर ला आज्ञा मंगी लियो है, कि भलाई जो बुराई ला बख करणा जियां किसान कणका ला भुए जो बख करदा है। पर मैं तेरे तांई परमेश्वरे ला प्राथना किती है, की तेरा भरोसा मिजों ला नी जा: कने जालू तु पश्चाताप करें, तां अपणे भाईयां जो भी मिजों पर भरोसा करणे तांई मजबूत करें।”



पतरसे यीशुए बोलया, "प्रभु जी, मैं तेरे सोगी जेला जाणे कने मरणे जो भी तैयार है।" पर यीशुए बोलया, "हे पतरस मैं तिजो ने बोलदा है, की अज मुर्गे तालू दीकर बांग नी देणी जालू दीकर तू तिन्न बरी मिंजो पछेणने ला मना करी बोणा है।"



तालू यीशु अपणे चेलयां सोगी
गतसमनी नाऐ दिया इक जगा
च आया कने अपणे चेलयां ने
बोलणा लग्गा, "ऐथू बेई रिया,
जालू दीकर मैं प्राथना करें।"
कने बोलया, "पिता जी, तिजो
ला सब कुछ होई सकदा है, ऐ
जड़ा दुख ओणे बाला है, ऐ
टली जाये पर जियां तुसां चांदे
न तियां ही होऐ।"




तालू यहूदा, सिपाईयां दी इक टोलिया सोगी कने बड्डे याजकां कने फरीसियां दे सेवकां जो लेईकरी उस बागे च आया कने हथां च दिख्ये, मशालां, कने हथियार लियो थे। कने चेलयां चे इकी महायाजके दे नोकरे पर तलबार चलाई करी उदा सजा कन उड़ाई दिता। इस पर यीशुणे बोलया, "हूंण बस करा।" कने उदा कन छुई करी उसयो ठीक किता।



फिरी सै उसयो पकड़ी करी लेई चले, कने महायाजक दे घरे जो लेई
आये कने पतरस दूरे-दूरे ला ही उना दे पिच्छे चलया था। कने जालू सै
अंगणे च अगग वाली करी गिठे बैठे, तां पतरस
भी उना दे बिच बेई गया।




महायाजक दे नोकरां चे इकी
नोकरे, जडा उदा रिशतेदारां
चे था, कने उदा कन पतरसे
बडी दितया था, उनी बोलया
की तिजो तां मैं यीशुणे सोगी
बागे च नी दिखया था?
पतरसे फिरी मना करी दिता,
कने तालू झट मुर्गे बांग देई
दिती। कने पतरस बाहर
निकली करी बडा भरी रोणा
लगगा।



तालू सारी सभा उठी करी उसयो पिलातुस बाल लेई गई। पिलातुसे उसला पुछया, "क्या तू यहूदियां दा राजा है?" उनी उसयो जबाब दिता, "तू अपु ही बोला दा है।" पर पिलातुसे यीशुए जो छडणे दिया इच्छा ने लोंका जो फिरी समझाया। पर सै जोरे-जोरे ने बोलणा लग्गे, "इसयो सूली पर चढाई दिया! इसयो सूली पर चढाई दिया!"




तालू पिलातुसे यीशुऐ जो उना दे हबाले
करी दिता ताकि सै उसयो सूली पर
चड़ाण। तालू सै यीशुऐ जो लेई गे। उना
यीशुऐ ला अपणी सूली अपु चुकबाई कने
उसयो यरूशलेम शेहर दे बाहर खोपड़ी
नाऐ दिया जगा जो लेई गे, कने जिसयो
इब्रानी भाषा च गुलगुता बोलदे ना।



ओथु उना उसयो कने उदे सोगी दो माणुऐ जो सूली
पर चढाया, इकी जो इक पास्से कने, दुजे जो दुऐ
पास्से, कने बिच यीशुऐ जो।



कने सूरजे दी लोओ चली गई, कने मंदरे दा मोटा परदा बिचे ला फटी
करी दो टुकड़े होई गया, कने यीशुए जोरे ने बोलया, "पिता, मैं
अपणी आत्मा तेरे हथां च दिन्दा हे।" ऐ बोली करी अपणे प्राण छडी
दिते।



अरिमतिया शेहरे दा रेहणे बाला यूसुफ नाणे
दा इक माणु था, सै यहूदी सभा दा इक
बड़ा मनया तनया मंत्री था, कने
अपु भी परमेश्वरे दे राज्य दी
नियाल रखदा था। सै
हिम्मत करिके पिलातुस
बाल गया कने उनी
यीशुए दी लाश
दफनाणे तांई मंगी।



तालू उनी इक मलमल दी चादर खरीदी,
कने लाश उतारी करी यहूदी रिबाजां
सांई मलमल दिया चादरा च
लपेटी लिया, कने दफनाणे
तांई कबरां च रखया कने
सै कबर चट्टाना जो
कटी करी बणाईयो

थी, कने उनी कबरां
दा मु बंद करणे तांई
इक गोल पथर
लुडकाई करी रखी
दिता।



दुए रोजे जड़ा तैयारिया दे रोजे ला अगला
दिन था, उस रोजे बड़े याजकां
कने फरीसियां पिलातुसे बाल
गिठे होईकरी बोलया, "हे
महाराजा, सांझो याद है,
कि उनी भटकाणे बाले
जालू जिंदे बेले बोलया
था कि, मैं उना रोजां
बाद फिरी जिन्दा होई
जाणा है।"



"इस ताई उना जाई करी कबरा पर अपणे
निशाणे सोगी प्रवेश दरवाजे
जो बंद करिरी सुरक्षित बणाई
दिता ताकि कोई इसयो
अपणिया जगा ला नी
हटाए।"



सबते दे रोजे बाद हफते दे पेहले रोजे
पौ फटदे ही मरियम मगदलीनी कने
दुई मरियम कबरां जो दिखणा
आईयां। कने दिखा इक बडा
हिलण होया, क्योंकि प्रभुणे
दा इक स्वर्गदूत स्वर्गे ला
उतरया था, कने बखे
आई करी उनी पथरे
जो हटाई दिता,


कने उस पर बेई
गिया। उदे डरे ने
पेहरेदार कम्मी
पे, कने मुर्दयाँ
सांई होई गे।



स्वर्गदूते जनानिया जो बोलया, "डरा मत,
मिंजो पता है कि तुसां यीशुए जो तोपा
दियां न जिसयो सूली पर चढाया
था। सै ऐथू नी है, सै तां अपणे
बचने दे अनुसार जिन्दा
होई गया है।"



"ओआ इसा जगा जो दिखा जिथू प्रभु
रखया था, झट जाई करी उदे चेलयां ने
बोला कि, सै मरयां चे जिन्दा होई
गिया है; सै तुसां ला पेहले गलील
प्रदेश जाई रिया है, ओथु
तुहांजो उदे दर्शण होणे!
दिखा, मैं तुसां ने बोली
दिता है।"



कने सै डर कने बड़िया खुशिया ने
कबरा ला बापस जाई करी उदे
चेलयां जो खबर देंगे ताई दोड़ी
गियां। तालू यीशु उना जो मिला।
कने बोलया, "नमस्ते।" कने उना
बखे आई करी उदे पैरां जो पकड़ी
करी उसयो दण्डवत किता।



इदे बाद यीशु उना गयारां चेलयां जो भी मिला, जालू सै रोटी खाणां बैठयो थे, तां यीशुए उना जो झिड़कया, क्योंकि यीशुए जो जिन्दा होणे बाद दिखया, फिरी भी उना भरोसा नी कितया था। तालू उदे बाद प्रभु यीशु उना ने गल्लां करणे बाद परमेश्वरे यीशुए जो स्वर्गे च सदी लिया, कने यीशु परमेश्वरे दे सजे पासे इज्जत बाले सिहांसन पर बैठी गया।



"क्योंकि परमेश्वरे संसारे दे लोकां ने ऐसा प्यार
किता की उनी अपणा इकलोता पुत्र देई ता,
ताकि जड़ा कोई उस पर भरोसा करे, उदा नाश
ना होऐ, पर उसयो हमेशा दी जिन्दगी मिल्ले।"



रोमियो 3:23 इस ताई की सारयां पाप कितया है कने परमेश्वरे दी उस
महिमा ला दूर न जड़ी परमेश्वर दिंदा है,

रोमियो 6:23 क्योंकि पाप दा नतीजा मौत है, पर सै बरदान जड़ा
परमेश्वर सांझो दिन्दा है, सै हमेशा दी जिन्दगी है जड़ी साड़े प्रभु यीशु
मसीह च है।

इब्रानिया 9:27 क्योंकि ऐ पक्का है की असां सारे लोकां इक बरी मरणा,
कने उदे बाद साड़ा न्याय होणा।

इफिसियों 2:8,9 क्योंकि जालू तुसां भरोसा किता तां परमेश्वरे अपणे
अनुग्रह ने तुहांजो बचाई लिया है, कने तुसां अपणे आप जो नी बचाया
पर ऐ परमेश्वरे दा दान है; कने ना ही तुहाड़े किते भले कम्मा दिया बजा
ने है कने इस ताई तुहाड़े बाल घमंड करणे दी कोई बजा नी है।



रोमियो 10:9,10 इस ताई अगर तू अपणे मुऐ ला यीशु मसीह जो प्रभु मन्नी लेदां है कने अपणे मने ने भरोसा करे, की परमेश्वरे उसयो मरयां चे जिन्दा कितया है, तां पक्का परमेश्वरे तिजो बचाणा। जालू असां अपणे मने ला भरोसा करदे न तां असां परमेश्वरे असां परमेश्वर दी नजरा धर्मी बणदे न, कने जड़ा भरोसा असां अपणे मने च कितया उसयो मुऐ ला बोलदे न, तां असां बचाये जाणे ना।

यूहन्ना 3:16,17 "क्योंकि परमेश्वरे संसारे दे लोकां ने ऐसा प्यार किता की उनी अपणा इकलोता पुत्र देई ता, ताकि जड़ा कोई उस पर भरोसा करे, उदा नाश ना होऐ, पर उसयो हमेशा दी जिन्दगी मिल्ले। क्योंकि परमेश्वरे अपणे पुत्रे जो संसारे दे लोकां पर सजा देंगे ताई नी भेजया है, पर इस ताई भेजया की उदे जरिये संसारे दे लोकां दा उद्धार होऐ।



1 यूहन्ना 5:11-13 कने सै गबाई ऐ है, की परमेश्वरे सांझो हमेशा दी जिन्दगी दितियो है कने सांझो ऐ हमेशा दी जिन्दगी परमेश्वरे दे पुत्रे ला मिल्ली है। जड़ा पिता परमेश्वरे दे पुत्र यीशु मसीह जो अपनांदा है, उदे बाल हमेशा दी जिन्दगी है; कने जड़ा परमेश्वरे दे पुत्रे जो नी अपनांदा है, उदे बाल हमेशा दी जिन्दगी भी नी है। मैं तुहांजो ऐ सब इस तांई लिखया है की तुसां, जड़े परमेश्वरे दे पुत्रे पर भरोसा करदे न, की तुहांजो पता लगगे की हमेशा दी जिन्दगी तुहाड़ी है।



मत्ती 26-28; लूका 22-24; यूहन्ना 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Bhattiyali NT (bht) (भट्टियाली नोआ नियम), 2020 by The Love Fellowship is licensed under a Creative Commons Attribution-ShareAlike 4.0 International License.

<https://www.bible.com/bible/3245/MAT.1.BHTNT>

©2026 Bible for Children, Inc.

www.M1914.org

www.bibleforchildren.org

